



1495

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 25-05-2026			
Organizaciona jedinica	Klasifikaciona oznaka	Broj	Broj priloga
15	04	694	1-105

26

Broj: 14-02-04-02669/26
Datum: 21. 05. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući

PREDMET: Odgovor na zastupničko pitanje, dostavlja se;
VEZA: Vaš akt, broj: 01-04-644-39/26 od 29.04.2026. godine

Poštovani,

U skladu sa Vašim aktom, broj i datum veze, kojim ste nam dostavili zastupničko pitanje zastupnice Sebije Izetbegović koje je uputila, dana 24.04.2026. godine, na okolnosti rada dr. Benjamina Bejtovića i privatne zdravstvene prakse i kojim traži da se isto uputi Ministarstvu zdravstva Kantona Sarajevo, Kantonalnoj upravi za inspeksijske poslove Kantona Sarajevo, Kliničkom centru Univerziteta u Sarajevu i Ljekarskoj komori Kantona Sarajevo – Etički komitet, a koje u dijelu koje se tiče Kantonalne uprave za inspeksijske poslove Kantona Sarajevo, glasi:

" IV. INSPEKCIJSKI NADZOR I ODGOVORNOST INSTITUCIJA

1. Zašto Ministarstvo zdravstva i KUIP ne provode redovne i sveobuhvatne kontrole privatnih zdravstvenih ustanova.
2. Koliko je inspeksijskih nadzora izvršeno nad predmetnom ustanovom u posljednjih pet godina.
3. Ko snosi odgovornost za eventualne propuste u nadzoru.
4. Da li su pokrenuti disciplinski ili drugi postupci protiv odgovornih službenika", dajemo sljedeći odgovor:

Inspekcijski nadzori Inspektorata sanitarne, zdravstvene, farmaceutske inspekcije i inspekcije za hranu Kantonalne uprave za inspekcijske poslove Kantona Saajevo u privatnim zdravstvenim ustanovama provode se u skladu sa raspoloživim kadrovskim i organizacionim kapacitetima, kao i prioritetima utvrđenim na osnovu procjene rizika i zaprimljenih prijava, kao i zahtjeva institucija. Trenutno ne postoji jedinstven i ažuran registar svih privatnih zdravstvenih ustanova, što dodatno otežava planiranje i provođenje sveobuhvatnih redovnih kontrola. Također, ograničen broj inspektora u odnosu na obim nadležnosti utiče na dinamiku i učestalost nadzora.

Pregledom službenih evidencija, nakon javnosti poznatog slučaja smrti djeteta, dostavljena je informacija iz medija od strane Ministarstva zdravstva Kantona Sarajevo, a na osnovu čega su odmah i izvršeni inspekcijski nadzori, te je kompletna dokumentacija iz izvršenih inspekcijskih nadzora dostavljena Kantonalnom tužilaštvu Kantona Sarajevo, kao i Ministarstvu zdravstva Kantona Sarajevo na dalje postupanje.

Predmet inspekcijskog nadzora je bila i Privatna ordinacija za anesteziju i terapiju bola "Prim.dr. Rožajac Suad", a koja se nalazi na istoj adresi kao i Privatna stomatološka ordinacija "Bejtović", s tim da se određeni prostor koristio kao zajednički, a prostori ordinacija su bili odvojeni.

U inspekcijskom nadzoru utvrđeno je i iznajmljivanje prostora, te je izrečena zabrana za isto.

U proteklom periodu izvršeno je još nekoliko inspekcijskih nadzora, dok se još uvijek vodi upravni spor vezano za Privatnu ordinaciju za anesteziju i terapiju bola "Prim.dr. Rožajac Suad".

Privatna ordinacija za anesteziju i terapiju bola "Prim.dr. Rožajac Suad" prestala je sa radom, o čemu je donijeto rješenje Ministarstva zdravstva Kantona Sarajevo.

Rješenja o ispunjavanju uslova Privatnoj stomatološkoj ordinaciji "Bejtović" izdalo je Ministarstvo zdravstva Kantona Sarajevo, kao privatnoj praksi, a ne kao zdravstvenoj ustanovi, s tim u vezi naziv "poliklinika" nije bio u skladu sa rješenjem, te je izrečena zabrana isticanja naziva "POLIKLINIKA", u inspekcijskom nadzoru 2021. godine, na osnovu čega je naziv i uklonjen.

Nosilac odobrenja privatne prakse je Jasmina Bejtović kojoj je bilo odobreno pružanje privatne prakse rješenjem Ministarstva zdravstva Kantona Sarajevo, broj: 10-37-702/16 od 25.01.2016. godine. Dana, 16.5.2023. godine, na zahtjev dr Jasmine Bejtović, izvršena je preregistracija privatne stomatološke ordinacije u privatnu specijalističku ordinaciju za ortodonciju, te je na istoj adresi, dana 09.10.2023. godine odobren i Benjaminu Bejtoviću rad privatne specijalističke ordinacije za maksilofacijalnu hirurgiju i izdato rješenje za grupnu privatnu praksu od 18.10.2023. godine, pod nazivom Centar za maksilofacijalnu hirurgiju i ortodonciju sa polivalentnom stomatologijom.

Takođe Vas informišemo da se u praksi Inspektorata sanitarne, zdravstvene, farmaceutske inspekcije i inspekcije za hranu prioritetno postupa po zaprimljenim predstavkama, prijavama građana i saznanjima o mogućim nepravilnostima, kako bi se pravovremeno reagovalo u slučajevima koji mogu imati direktan uticaj na sigurnost i prava pacijenata. Istovremeno, kontinuirano se poduzimaju aktivnosti na unapređenju sistema evidencija, jačanju inspekcijskih kapaciteta i stvaranju uslova za efikasnije i obuhvatnije planiranje redovnih kontrola.

Odgovornost za eventualne propuste utvrđuje se pojedinačno, u skladu sa zakonskim nadležnostima i okolnostima svakog konkretnog slučaja.

Sveobuhvatnost inspekcijskog nadzora značilo bi unaprijed jasno planiranje i pripremanje inspekcijskog nadzora, a što je nemoguće kod usmjerenih inspekcijskih nadzora, pogotovo uvažavajući nepredviđene činjenice koje se utvrde tokom samog nadzora.

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a

